



Մ Ա Յ Ր Ա Թ Ո Ռ Ո Ւ Մ

Հոկտեմբերի 4-ին, երկուշաբթի.—Այսօր Վեհափառ Հայրապետից հրաժեշտ է առնում Կանադայի Տորոնտո քաղաքի և Երրորդություն եկեղեցու հոգևոր հովիվ տ. Ժիրայր վրդ. Թաշնյանը և մեկնում իր պաշտոնատեղին:

*
* *

Հոկտեմբերի 7-ին, հինգշաբթի.—Այսօր, երեկոյան ժամը 19-ին, Վեհարանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

*
* *

Հոկտեմբերի 9-ին, շաբաթ.—Այսօր Մայր տաճար է այցելում զոհված տիեզերագնաց-օդաչու Վ. Ի. Պաքսակի կինը՝ տիկին Պաքսական՝ մի խումբ հյուրերի հետ:

Վեհարանում տիկին Պաքսականին ընդունում է Հայոց Հայրապետը:

*
* *

Հոկտեմբերի 9-ին, շաբաթ.—Այսօր Մայր տաճար և ապա Հայոց Հայրապետին է այցելում Հարավսլավիայի Սոցիալիստական Ֆեդերատիվ Հանրապետության Տիտոգրադ քաղաքի պատվիրակությունը, որը Հայաս-

տան էր ժամանել բարեկամական այցով: Պատվիրակության անդամների մեջ էին՝ Հարավսլավիայի Տիտոգրադ քաղաքի ներկայացուցիչներ Բրանկո Լագովիչը, Վուկադին Իովանովիչը, Մոմչիլո Վուչիևիչը, արհմիությունների Տիտոգրադի նախագահ Օլե Ծաբովիչը:

Հայոց Հայրապետը Վեհարանում ընդունում է պատվարժան հյուրերին: Հայոց Հայրապետի և հարգելի հյուրերի միջև տեղի է ունենում ջերմ գրույց:

Հյուրերին ընկերակցում էր Երևանի քաղաքային սովետի գործկոմի նախագահ Գր. Հասարայանը:

*
* *

Հոկտեմբերի 10-ին, կիրակի.—Ե կիրակի գկնի ա. Խաչի.

Այսօր Մայր տաճարում ա. պատարագ է մատուցում ուխտավորաբար Մայր Աթոռում գտնվող Ֆիլադելֆիայի հայոց ա. Երրորդություն եկեղեցու հոգևոր հովիվ տ. Զավեն ծ. վրդ. Արզումանյանը և քարոզում «Եւ զարդարեաց զամուրս քո սքանչելի փառօք իւրովք» բնաբանով:

Ա. պատարագին ներկա էր Վեհափառ Հայրապետը:

Ա. պատարագին ներկա էին նաև ախյուրաբաժայ ուխտավորներ ԱՄՆ-ից, Լիբանանից և Հարավային Ամերիկայից:

Հոկտեմբերի 15-ին, ուրբաթ.—Այսօր, առավոտյան ժամը 9-ին, Մայր Աթոռից և Վեհափառ Հայրապետից հրաժեշտ է առնում տ. Զավեն Տ. վրդ. Արզումանյանը և վերադառնում Ֆիլադելֆիա՝ իր պաշտոնատեղին:

Նույն օրը, ժամը 11-ին, Մայր տաճար և ապա Վեհափառ Հայրապետին է այցելում Զիլիից հյուրաբար Հայաստանում գտնվող կաթոլիկ եկեղեցու բարոյական աստվածաբանության դասախոս Հովել Կախարդյուն:

Հոկտեմբերի 16-ին, շաբաթ.—Այսօր, ժամը 12-ին, Մայր տաճար և ապա Վեհափառ Հայրապետին է այցելում Հնդկաստանի պրեմիեր-մինիստրի բարտոլոմայության վարիչ Փարմեշվար Նարային Հաքսարը իր կնոջ հետ:

Հայոց Հայրապետի և հարգելի հյուրերի միջև տեղի է ունենում ջերմ զրույց:

Նույն օրը Բուխարեստից ուխտավորաբար Մայր Աթոռ են ժամանում տ. Զարեմ վրդ. Պայունյանը և ռումինական աստվածաբանական համալսարանի դեկան, պրոֆ. հայր Իոան Կոմանը իր կնոջ հետ:

Նույն օրը, ժամը 12-ին, Վեհափառ Հայրապետը ընդունում է այցելությունը Թբիլիսիի Ներսիսյան դպրոցի շրջանավարտների 8-րդ հավաքի մասնակիցների, որոնք Հայոց Հայրապետին են ներկայացնում իրենց հարգանքն ու երախտագիտությունը՝ ի դեմս Ներսես Աշտարակեցու:

Հայոց Հայրապետը, ողջունելով բոլոր ներկաներին, ոգեկոչում և օրհնում է անունն ու հիշատակը մեծագործ և հայրենասեր Ներսես Ե Աշտարակեցու, որը 1815 թվականին Թիֆլիսում բացել է հոգևոր դպրանոցը, որը 1824 թվականին տեղափոխվում է նրա կառուցած նորակերտ դպրոցի շենքը:

Հոկտեմբերի 17-ին, կիրակի.—Այսօր Մայր տաճարում ա. պատարագ է մատուցում ուխտավորաբար Մայր Աթոռում գտնվող Ուտտերտունի հայոց ա. Հակոբ եկեղեցու

հոգևոր հովիվ տ. Տաճատ քհն. Դավթյանը և քարոզում «Զի ով է մարդ, որ գիտիցի զխորհուրդս Աստուծոյ. կամ ով ածիցէ զմտա թէ զինչ կամիցի Տէր» բնաբանով:

Ա. պատարագին ներկա էր Վեհափառ Հայրապետը:

Հոկտեմբերի 18-ին, երկուշաբթի.—Այսօր, առավոտյան ժամը 11-ին, Մայր տաճար են այցելում ՍՍՀՄ Սվեչնիկովի անվան երգեցիկ խումբը, որը հյուրախաղերի էր եկել Հայաստան:

Վեհաբանում արվեստագետներին ընդունում է Հայոց Հայրապետը և զրույց ունենում նրանց հետ:

Հոկտեմբերի 23-ին, շաբաթ.—Այսօր Վեհափառ Հայրապետին այցելություն է տալիս ՍՍՀՄ միջնակարգ և բարձրագույն մասնագիտական կրթության մինիստրության վարչության պետ Սոխին Սերգեյ Իվանովիչը:

Վեհափառ Հայրապետին հրատարակչության դեկավարների մի խումբ, որոնք գտնվում էին Հայաստանում, այցելում են Հայոց Հայրապետին:

Հոկտեմբերի 24-ին, կիրակի.—Գիտ խաչի.

Այսօր Մայր տաճարում ա. պատարագ է մատուցում տ. Աղան արեղա Բալիդյանը և քարոզում «Զանթաքչելի զգանձն փափագմամբ թագուհույն փայտ կենաց յայտնեցա» բնաբանով:

Ա. պատարագին ներկա էր Վեհափառ Հայրապետը:

Հոկտեմբերի 27-ին, չորեքշաբթի.—Այսօր, Վեհափառ Հայրապետից հրաժեշտ առնելով, Բուխարեստ են վերադառնում Մայր Աթոռի հյուրեր պրոֆ. Հակոբ Սիրունին և պրոֆ. Իոան Կոմանն ու իր տիկինը:

Հոկտեմբերի 29-ին, ուրբաթ.—Այսօր, երեկոյան ժամը 18-ին, Վեհաբանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը: